



Universitätsbibliothek Paderborn

Exemplorvm Libri Tres

Liber Secvndvs, Siue Exempla, In Septem Capitalivm Vitiorvm
Detestationem, Per Qvadragesimam, Anno M. DC. XLVI. narrata

Stengel, Georg

Ingolstadii, 1650

§. 8. Superborum difficilis correctio.

[urn:nbn:de:hbz:466:1-48186](#)

vt nec quid credere oporteat etiam adulti ſciant, nec interrogent. Quærunt, in via, ex omnibus obuijs, quò sit eundum; & non quærunt, in via æternitatis. Ipsi ſibi ſunt ſenatus; ipsi duces, ſed cæci. 3. Olim Pharisaei, & hypocritæ, tanquam ſuperbiæ exemplar narrabantur, qui dicebant: *Ieiuno bis in sabbato: decimas do omnium, qua poſideo: & qui alias virtutes vel iactabant, vel dilatabant: iam, hoc cæcissimo ſeculo, ita peruersa iudicia inualuerunt: vt homines erubefcant, ſi dicantur cilicium geſtaſſe; de Deo, & animæ ſuæ ſalute egiffe; aut pijs fuiffe: glorientur autem, ſi pro atheis, pro blaſphemis, pro graſſatoribus, pro adulteris, pro magnis potatoribus habeantur. An non hoc eſt, Alfonſum ſuperbiā ſuperare? an non*

Luc. 18. 12.

Icrem. 4. 8.

2. Paralip. 12.

2.

hostes mereri & bella, ac impedire pacem? Super hoc accingite vos cilicij, plangite & ululate, quia non eſt auerſa ira furoris Domini à nobis. Auertetur autem, ſi nos viderit, eſſe verè humiliatos. Ita enim cùm anno quinto regni Roboam ascendifſet Sesac rex Ēgypti in Ierusalem, (quia peccauerant Domino) cum mille ducentis curribus, & ſexaginta milibus equitum; nec erat numerus vulgi, quod venerat cum eo ex Ēgypto &c. cepiſſet q̄j ciuitates munitiſſimas in Iuda, per Semeiam Prophetam dixit Dominus: Vos reliquifis me, & ego reliqui vos in manu Sesac. Conſternatiq; principes Israel, & rex dixerunt: Iuſtus eſt Dominus. Cumq; vidiffet Dominus, quod humiliatus eſſet, factus eſt fermo Domini ad Semeiam, dieens: Quia humiliati ſunt, non diſperdam eos.

VIII.
SYPERBORVM
DIFFICILIS
CORRECTIO.

Apoc. 3. 20.

Pſalm. 57. 5.

Vtinam ſic humiliatus eſſet etiam Alfonſus! cui tot plagæ, non alia de cauſa inflictæ ſunt, quām ut eſſent medicinæ. Sed, ut in magnis morbis, ipſa pharmaca vertuntur in venena, ita in Alfonſo caſtigatio fuit, non emendatio, quidquid huc uſque ei eſt inflictū. Multi ægroti medicum differunt: ſed ſerò iſi venit, quando iam anima ſub dentibus eſt. Hinc rectē, Satyricus ait: *Venienti occurrite morbo. Luſtantι cum morte, ſerò medicina paratur, ſerāque eſt in fundo parsimonia. Quanquam, apud Deum, nemo ſerò agit pœnitentiam, quandocumque illam agit: modò iectus ſapiat. Pulsat Deus apud omnes, iuxta illud Ecce ſto ad oſtium & pulſo. Qui habent aures audiendi, aperiunt illi ianuam cordis ſui. Et intrat, & mansio nem apud eos facit. Qui aures occidunt, ſicut apſis ad incantationem, ſponte non audiunt: quare eum milles pulsantem volentes excludunt, & cum ignominia, totas noctes, ſub prunia ſtantem, ante forē*

te fores relinquunt: vt conqueri meritò diceréque posat: *cincinni* Cant. 5. 2.
mei pleni sunt guttis noctium. Sed & ipse cur vicissim eos, cum virgi- Matth. 25.
 nibus fatuis, non excludat? Meritò excluderet, non tamen exclu-
 dit, nisi gratiam illius excludentes. Quare hoc est malos inter &
 bonos discrimen, quod inter asperas rupes & terræ bona glebam.
 Imber cadit & super saxa, & super mollem terram. In saxis nihil,
 in terra molli multum efficit. Ita diuina sapientes, quandocunque
 à Deo feriuntur, aut aduersis exercentur, in se ipsos descendunt, &
 inquirunt, quid in eis diuinus oculus viderit castigatione dignum.
 Impij autem, & qui in profundum venerunt, neque infamia, ne-
 que reprehensione, neque infortunijs, neque morbis ipsis corrigun-
 tur. *Vir impius procaciter obfirmat vultum suum: qui autem rectus est,* Proh. 21. 29.
corrigit viam suam: & Peruerbi difficile corriguntur. Dicas illis, quid- Eccles. 1. 15.
 quid velis; facias, quidquid possis, lapidi loqueris, lapidi facis:
 oleum & operam perdis. Quod & *Alfonso* accedit, cuius superbia
 vt incendium creuit, conscientia callum obduxit, pectus in ada-
 mantem obduruit: contempnit monentes, non sensit tangentes,
 ipsis duritiâ vicit ictus malleorum. Non ceduntur, quæ non mol-
 liuntur.

PARS SECUNDA.

Vàm verè dixit Ecclesiastes? *Initium omnis peccati superbia?* Quamvis enim, si executionem peccati spectemus, & id quod præbet occasionem adimplendi omnia peccati desideria, sint diuitiae, atque ea propter ab Apostolo, dicatur *radix omnium malorum est cupiditas;* superbia tamen, ordine intentionis, est initium omnis peccati: cùm finis, *in omnibus bonis temporalibus ac-* quirendis sit, ut homo per illa, quandam perfectionem singularem & ex-*cellentiam habeat;* & idèo, ex hac parte, *superbia, quæ est appetitus ex-* cellentiae, ponitur initium omnis peccati, vt S. Thomas docet. Super-
 biæ autem est, vt, qui per eam supra se ipsum indebet extollitur, nolit ulli superiori, adeoque neque ipsi Deo subiici; atque idcirco potius conetur omnibus dominari, ac subiectos sibi facere; vsque adeò, vt quemadmodum amor Dei descendit vsque ad contemptum sui, ita vicissim amor sui ascendat vsque ad contemptum Dei. *Quod in Alfonso lucentissime fuit ostensum.* Nam, suo se pede non me-

IX.
 Eccl. 10.
 SUPERBIA
 FRVCTVS.
 1. Timoth. vlt.

S. Thom. 1.
 2. q. 84. a. 2;

S. Aug. 1. 14.
 de ciuit. c. vlt.

B 3 tiens